

आकाशवाणी

खास-खास खबरां:-

1. प्रधानमंत्री नरेन्द्र मोदी होर अज्ज बूथ स्तर दे पार्टी कार्यकर्ताएं कन्नै गल्लबात करदे होई बिहार च विधानसभा चुनावं दे प्रचार दी शुरुआत करगंन।
2. राष्ट्रपति द्रौपदी मुर्मू होरें भारत ते मंगोलिया बश्कार सांझे सांस्कृतिक ते लोकतांत्रिक मुल्लें गी उजागर कीता।
3. भारत अज्जै थवां अमरीका आस्तै अंतराष्ट्रीय डॉक सेवाएं गी फही शुरु करा रदा ऐ।
4. जैसलमेर दे कोल इक ए.सी. स्पीलपर बस च अग्ग लग्गी जाने करी 20एं जनें दी मौत होई गेई। राष्ट्रपति ते प्रधानमंत्री होरें इस घटना पर दुख जाहिर कीता।
5. सी.बी.आई नै साईबर धोखाधड़ी सरबन्धी इक बड्डे मामले च दक्खन भारत च छापेमारी कीती ते 3 जनें गी गिरफ्तार कीता।
6. भारतीय बैडमिंटन खडारी तानवी, उन्नति ते रौनक BWF विश्व जूनियर प्रतियोगिता च शानदार प्रदर्शन करदे होई अगले गेइ च पुज्जी गे।

<><><><><><>

PM Bihar Assembly

भारतीय जनता पार्टी दे सीनियर लीडर ते प्रधानमंत्री नरेन्द्र मोदी होर अज्ज बिहार च बूथ स्तर दे पार्टी कार्यकर्ताएं कन्नै गल्लबात करदे होई बिहार च विधानसभा चुनावं दे प्रचार दी शुरुआत करगंन। श्री मोदी हुंदी बूथ स्तरीय कार्यकर्ताएं कन्नै ए गल्लबात **मेरा बूथ-सबसे मजबूत** अभियान तैहत होआ रदी ऐ। पार्ट नै बिहार विधानसभा चुनावं गितै 71 मेदवारें गी पैहली सूची कल जारी कीती। NDA दी भ्याल पार्टी हिंदोस्तानी आवाम मोर्चा सैकूलर नै बी अपने 6 मेदवारें दी सूची जारी कीती ऐ। दूए पाससै विरोधी पार्टी CPI (ML) Liberation नै बी राज्य विधानसभा चुनावं लेई अपने 18 मेदवारें दी सूची गी जारी कीता ऐ। तोंआई राष्ट्रीय जनता दल ते कांग्रेस बश्कार सीटें दी बंड गी लेइयै अजें तोड़ी कोई फैसला नैई लैता गया ऐ।

<><><><><><>

PM -Andhra Pradesh

प्रधानमंत्री नरेन्द्र मोदी होर कल आंध्र-प्रदेश दा दौरा करगंन। इस दौरान ओह नंदयाल जिले दे श्री शेलम स्थित श्री भ्रामराम्बा मल्लिकार्जुन स्वामी वरला देवस्थानम च पूजा-अर्चना करगंन। ओह श्रीशेलम स्थित Spoorthi केन्द्र बी जागंन। प्रधानमंत्री होर दपैहरी कुरनूल च लगभग 13 हजार 430 करोड़ रपे दी केंई विकास परियोजनाएं दा उदघाटन करगंन ते केंइयें दा नींह पत्थर रक्खगंन। एह परियोजना उद्योग- बिजली दी Transmission, सिडक, रेलवे, रक्षा विनिर्माण, पेट्रोलियम ते कुदरती गैस सनें प्रमुख क्षेत्रें च फैली दियां न- जेड़ियां क्षेत्रीय बुनियादी ढांचे गी बदाने ते राज्य च समावेशी समाजिक आर्थिक विकास गी गति देने आस्तै सरकार दी वचनबद्धता गी दर्शादी ऐ। इस मौके पर मोदी होर इक जनसभा गी बी सम्बोधित करगंन।



Prez Mongolia

राष्ट्रपति द्रौपदी मुर्मू होरें आखेया ऐ जे सांस्कृतिक विरासत ते लोकतांत्रिक मूल्य भारत-मंगोलिया सरबंधें दे थम्म न। कल राष्ट्रपति भवन च मंगोलिया दे राष्ट्रपति खुरेल सुख उखना ते उन्दे शिष्टमंडल दा सोआगत करदे होई राष्ट्रपति मुर्मू होरें आखेया जे दवै मुख्य रणनीतिक सांझेदार न ते कन्नै गै आध्यात्मिक विरासत कन्नै जुड़े दे न। उनें आखेया जे पिच्छले 25 बरे च भारत नै मंगोलिया च बक्ख-बक्ख सांस्कृतिक परियोजनां पूरियां कीतियां न। इन्दे च बौद्ध मठें दी ब्हाली ते प्राचीन पांडुलिपियें गी परतियै छापना शामिल ऐ।



Postal Services

भारत अज्जै थवां अमरीका आस्तै अंतराष्ट्रीय डॉक सेवाएं गी फही शुरु करा रदा ऐ। संचार मंत्रालय नै इक विज्ञप्ति च दस्सेया जे भारतीय डॉक विभाग नै व्यापक प्रणाली विकास ते अमरीकी सीमा शुल्क ते सीमा सुरक्षा कन्नै तालमेल राए अनुपालन तंत्र कायम कीता ऐ। इस नमीं बवस्था कन्नै पूरी चाली नियामक अनुपालन सीमा शुल्क सरबंधी मंजूरी च तेजी ते कुसे बाद्दू शुल्क बगैर अमरीका च डॉक सरबंधी बंड यकीनी होग।



Rajnath Brazil Minister Meeting

रक्षामंत्री राजनाथ सिंह होर अज्ज नमीं दिल्ली च ब्राजील दे उपराष्ट्रपति गेराल्डो अल्कमिन हुंदे कन्नै बैठक लागंन। गल्लबात दौरान ब्राजील दे रक्षामंत्री जोस मुसियो मॉटेइरो फिल्हो बी मजूद रौहगंन। रक्षा मंत्रालय नै इक ब्यानै च आखेया जे दवै नेता दौनें मुखें बशकार रक्षा क्षेत्र च बहुआयामी सरबंधें दी समीक्षा करगंन। बैठक च दौनें मुखें दी सेनाएं बशकार ते रक्षा उद्योग सहयोग सनें आपसी हित दे क्षेत्रें पर विचारें दा आदान-प्रदान होग।



Rajasthan Accident

राजस्थान च जैसलमेर दे कोल इक AC स्लीपर बस च अगग लग्गी जाने करी 20एं जनें दी मौत होई गई ते केई होर घाल होई गे। ए दुख दा हादसा जैसलमेर जोधपुर जरनैली सिडकै उप्पर तकरीबन दपैहरी साड्डे 3 बजे होआ। खबरें मुजब 19एं जनें दी मौके पर गै मौत होई गई जदकि इक जनें दी मौत अस्पताल च इलाज दौरान होई। हादसे दे समें तकरीबन 50 लोक बस च मौजूद हे। घायलें च 15 जनें 70 फीसदी तोड़ी फकोई गेदे न। घायलें दा इलाज जोधपुर दे महात्मा गांधी अस्पताल च कीता जा रदा ऐ। एहलकारें आखेया जे मरने आलें दियां लोथां बड़ी मती फकोई जाने कारण उंदी पंछान DNA टैस्ट राएं कीती जाग। जैसलमेर दे जिला कलेक्टर प्रताप सिंह होरें लापता सवारियें दे परोआर आलें अपील कीती ऐ जे ओ कुसा बी जानकारी गी जिला प्रशासन कन्नै सम्पर्क करन। मुखमंत्री भजन लाल शर्मा होरें दुर्घटना आली थाहर दा दौरा कीता ते मगरा घायलें कन्नै जोधपुर अस्पताल च मलाटी कीती। उनें अधिकारियें गी घायलें दे दुरुस्त इलाज गी यकीनी बनाने दे निर्देश दिते। राष्ट्रपति द्रौपदी मुर्मू ते प्रधानमंत्री नरेन्द्र मोदी होरें इस दुखद हादसे पर डूंगा अफसोस जाहिर कीता ऐ। केन्द्र सरकार नै मरनें आलें दे परोआर आलें गी 2-2 लकख रपे ते घायलें गी 50-50 हजार रपे मुआवजे दे तौर पर देने दी घोषणा कीती।



CBI Raids

केन्द्रीय जांच ब्यूरो सी.बी.आई नै कर्नाटक- तमिनाडू ते केरल च केई सारी थाहरें पर छापेमारी कीती। एह छापेमारी अंशकालिक नौकरी ते निवेश धोखाधड़ी कन्नै

सरबंधी संगठित साइबर अपराधे कन्ने सरबंधित ऐ। आप्रेशन Chakra तैहत 3 लोकें गी कल गिरफ्तार कीता गया। एह मामला फर्जी ऑनलाइन योजनाएं राएं लोकें कन्ने कथित तौर पर करोड़ें रुपें दी ठगी कन्ने जुड़े दा ऐ। जांच दौरान पता लग्गा जे दोषी व्यक्ति ते ओदे सहयोगी पूरे मुख्य च खास तौर पर बैंगलुरु च मखौटा कम्पनियें दा नैवटर्क चला रहे हे।

<><><><><><>

IMD Weather

आंध्र-प्रदेश, केरल, माहें, दक्षिणी कर्नाटक, तमिनाडू, पुडुचेरी ते कराईकल दे किश हिस्सें च अज्ज तेज बरखा पौने दा अनुमान ऐ। इनें क्षेत्रें च इस महीने दी 20 तरीक तगर इय्यै नेहा मौसम रौहने दी संभावना ऐ। मौसम विभाग नै कर्नाटक, लक्ष्द्वीप, ओडिशा, तेलंगाना, तटीय कोंकण, गोवा ते महाराष्ट्र च बी अज्ज गरज कन्ने अंधी-झक्खड़ झुलने ते बरखा पौने दी शेंका ऐ। मौसम विभाग नै मछुआरें गी 19 तरीक तगर अरब सागर, बंगाल दी खाड़ी ते आले दोआले समुन्द्री इलाके च नैई जाने दी सलाह दिती ऐ।

<><><><><><>

UP Free LPG Refills

उत्तर-प्रदेश दे मुखमंत्रि योगी-आदित्यानाथ अज्ज “प्रधानमंत्री उज्जवला” योजना तैहत महिला लाभार्थियें गी बरे च 2 बारी मुफ्त रसोई गैस उपलब्ध कराए जाने दी योजना दी शुरुआत करगंन। इस कन्ने त्योहारें दौरान राज्य दी इक करोड़ 86 लक्ख महिलायें गी राहत थ्होग। नमीं योजना तैहत हर बरे 2 बारी रसोई गैस आहले सिलेंडर मुफ्त बरे जागंन। पैहला गेड़ अक्तूबर थवां दिसम्बर तगर ते दुआ अगले बरे जनवरी थवां मार्च तगर जारी रौहग। राज्य सरकार एदे पर इक हजार 5 सौ करोड़ रुपे खर्च करोग।

<><><><><><>

Badminton-World Junior Championship

भारतीय बैडमिंटन खडारी तानवी, उन्नति ते रौनक गुवाहटी च खेड्डे जा रहे BWF विश्व जूनियर प्रतियोगिता च शानदार प्रदर्शन करदे होई अगले गेड़ च पुज्जी गे। जागतें दे सिंगल वर्ग च रौहन चौहान, लालथा जोआला हमार ते गनाना दत्तू अपने-अपने मैच जितियें अगले गेड़ च पुज्जी गे न। इयां गै कुड़ियें

दे सिंगल वर्ग च तानवी, उन्नति, रकिशता श्री, नै बी शानदार प्रदर्शन करदे होई
अगले गेड़ च अपनी थाहर पक्की करी लेई ऐ।

<><><><><><>